

**Talamdan sa
Mga Mensahe alang sa Full-time Training
sa Spring Term sa 2022**

**LINANGKOB NGA HISGOTANAN:
MGA CAPITULO 5 HANGTOD SA 8 SA ROMA—
ANG UYOK SA BIBLIA**

Mensahe 12

**Labi Pang Nagmadaogon sa Mga Pag-antos,
Kasakitan, Kalisdanan, Kagul-anan, ug Tanang Sirkumstansya
pinaagi Niya nga Nahigugma Nato**

Basahong Kasulatan: Rom. 8:18, 31-39; 5:5, 17, 21

I. “Ning tanang butanga labi pa tang nagmadaogon”—Rom. 8:37:

- A. Nagpasabot sa mga pag-antos, kasakitan, ug kagul-anan ang *ning mga butanga*—vv. 18, 31.
- B. *Ang labi pang nagmadaogon* nagpasabot og pagdaog diha sa mga pagdaog, ang kinalabwang matang sa pagdaog—v. 37:
 - 1. Usa ka matang nga pagdaog ra ang ihatag sa Dios—ang pagdaog nga labi pang nidaog.
 - 2. Ang pagdaog nga igo lang nakadaog dili man pagdaog nga gikan sa Ginoo.
 - 3. Ang pagdaog sa Ginoo kanunay gyong “labaw kaayong pagdaog” (ang kahulogan sa Griyegong pulong nga gihubad og “labi pang nagmadaogon” sa Roma 8:37).
- C. Dili ta modaog sa ato rang kaugalingon; labi pa tang magmadaogon diha sa pagdaog ni Cristo—1 Cor. 15:57:
 - 1. Tungod sa pagkabanhaw ni Cristo nidaog Siya batok ni Satanas, nga kaaway sa Dios, batok sa kalibotan, sa sala, ug sa kamatayon—Heb. 2:14; Buh. 2:24; Bug. 1:17-18.
 - 2. Ang pagkabanhaw ni Cristo mao ang pagdaog Niya, nga mobuhat sa kinataposan ug kompletong pagdaog diha sa pagkabanhaw alang natong niapil sa Iyang pagkabanhaw—1 Cor. 15:54; Fil. 3:10.
 - 3. Kinahanglan mahimong kasinatian nato ang pagdaog ni Cristo—1 Cor. 15:57:
 - a. Dili lang unta kamatuorang nahuman na alang nato ang pagdaog ni Ginoong Jesus; mahimo sab gyod unta kining adlaw-adlawng kasinatian nato pinaagi sa pagkausa nato sa nabanhawng Cristo nga Espiritung taghatag-og-kinabuhi nga naa sa atong espiritu—v. 45b; 6:17.
 - b. Makahinagbo ba tag kasakitan, kagul-anan, o paglutos, dili lang unta kay modaog ta niini kondili labi pa gyong magmadaogon niini; kini ang kasinatiang gitudlo sa Dios alang nato—Rom 8:35-37.
- D. Maghari ngani ta diha sa kinabuhi, modaog gyod ta sa tanang sirkumstansya—5:17, 21; 8:31-39; itandi sa 1 Cor. 15:54-57:
 - 1. Ang paghari diha sa kinabuhi pagbuot man ingog mga hari—Bug. 20:4, 6; 22:5:
 - a. Ang paghari pagdaog, pagbuntog, ug pagbuot man nato ni Satanas, sa kalibotan, sa unod, sa atong kaugalingon, ug sa tanang sirkumstansya sa atong palibot—1 Juan 5:4.
 - b. Dili gyod unta madaogon ug nidaog lang nga kinabuhi ang atong Cristohanong kinabuhi; harianon ug naghari sab gyod unta kini—5:17, 21.
 - 2. Ang paghari diha sa kinabuhi pagka-Dios man sa kinabuhi ug kinaiya apan dili sa ranggo sa pagka-Dios—Juan 1:12-13:
 - a. Sa uniberso ang Dios ray naghari ug Siya ray Hari, apan kitang mga anak ning Hari makahari sab diha sa Iyang kinabuhi—Rom. 5:17.

- b. Kay naghari man ta sama sa Dios, sa paghari nato diha sa kinabuhi nahimo tang Dios sa kinabuhi ug kinaiya apan dili sa ranggo sa pagka-Dios—8:16; Col. 3:4; 2 Ped. 1:4.
 - c. Maghari ngani ta diha sa kinabuhi, labi pa tang magmadaogon sa mga kalisdanan ug mga pag-antos sa palibot sa pagkaanaa natoy Dios, nga alang nato—Rom. 8:31, 34.
- E. Molabaw-sa-tanan gyod unta ta sa pagdaog nato uban ni Cristo sa tanang sirkumstansya:
- 1. Molabaw ta kay nadugtong man ta ni Cristo sa pagkabanhaw ug pagkayab Niya ug gipalingkod uban Niya sa kalangitan; paglabaw nato kini sa tanang butang—Efe. 2:5-6.
 - 2. Labaw ta sa tanang pamunoan ug pagbulot-an ug gahom ug kaginoohan ug sa tanang ngalan nga ginganlan dili lang ning panahona kondili sa umalabot sab—1:21-23.
 - 3. Makakinabuhi ta karon sa kinabuhing nilabaw-sa-tanan uban ni Cristo sa pagdaog Niya—2:5-6.

II. Labi pa tang nagmadaogon “pinaagi Niya nga nahigugma nato”—Rom. 8:37:

- A. Tungod sa dili mausab nga paghigugma sa Dios kanato ug sa kamatuoran nga nahuman na ni Cristo ang tanan alang nato, dili makapiog o makadaog ba nato ang kasakitan o paglutos; labi pa hinuon tang magmadogon ug makadaog ning tanang butanga pinaagi Niya nga nahigugma nato—v. 37.
- B. Alang sa mga nag-antos ang gugma ni Cristo sa Roma 8—v. 18:
- 1. Bisan unsa pa ang atong problema, ang sulbad mao gyod ang gugma ni Cristo—v. 37.
 - 2. Ang gugma ni Cristo maoy makapadaog nato sa tanang kasakitan ug kagul-anan.
- C. Imbis mapildi, labi pa hinuon tang magmadaogon pinaagi Niya nga nahigugma nato—v. 37:
- 1. Gipatay ta ug giisip nga mga karnerong ihawonon—v. 36.
 - 2. Bisan pa niana, ning tanang butanga labi pa tang nagmadaogon pinaagi Niya nga nahigugma nato.
 - 3. Labi pang nagmadaogon ning tanang butanga ang atong Ginoo nga nahigugma nato; kini gyod unta ang kasagarang kasinatian sa tanang Cristohanon—v. 37; 1 Juan 5:4.
 - 4. Pinaagi Niya nga nahigugma nato dili lang nga modaog ta—mahimo tang mga mana-naog, nga modaog sa tanang negatibong butang, bisan ngani sa kamatayon—Buh. 2:24; Bug. 1:17b-18.
- D. Usa ka matang sa gugma ra ang tinuod, ug kana ang gugmang lugwa sa pagpaambit sa Tulo-usang Dios—Rom. 8:35, 39; 15:30:
- 1. Kay duna may kaayo nga gugma ang Espiritu, labi tang mapaambitan Niya, labi sab nga mabatonan nato ang tinuod nga gugma—1 Juan 4:8, 16.
 - 2. Sa pagkatinuod, labi nga ikapaambit ang Espiritu kanato, labi sab tang mahimong gugma sa kahulogan nga maumol ta sa diosnong gugma—Rom. 15:30; Efe. 4:15-16.
 - 3. Maato dayon ang gugma nga mao ang pagpadayag sa Espiritu, ug motubag ta sa ubang tawo uban sa gugma—Gal. 5:22.
- E. May kalabotan sa pagkamao sa Dios ang pagbubo sa gugma sa Dios sa atong kasingkasing—Rom. 5:5:
- 1. Kay gibubo na man ang gugma sa Dios sa atong kasingkasing, kasingkasing sa gugma ang kasingkasing sa tanang magtutuo.
 - 2. Sa pagsinati ug pagpahimulos nato sa Dios nga Amahan diha sa Iyang gugma, masinati ug mapahimuslan nato ang pagpaambit sa gugma nga kinaiya sa pagkamao sa Dios nganhi sa atong kasingkasing.
- F. Gihisgotan ni Pablo sa Efeso 3:19 ang gugma ni Cristo nga labaw-sa-kahibalo:
- 1. Nilabaw sa kahibalo ang gugma ni Cristo, apan mahibal-an nato kini sa pagsinati nato niini.
 - 2. Maingon nga dili masukod si Cristo, dili sab masukod ang Iyang gugma—vv. 18-19:
 - a. Kon itandi nato ang nasinati na nato sa dili masukod nga gugma ni Cristo sa tanang sinationon pa nato, sama kini sa pagtandi og usa ka tulò sa ulan sa kadagatan.

- b. Sa unibersohanong mga sukod ni Cristo ug sa dili masukod nga gugma Niya, sama Siya sa dako kaayo, walay kinutoban nga kadagatan nga masinati nato—vv. 18-19.
- G. Ang gugmang gihisgotan sa Efeso 4:15-16—ang sulodnong pagkamao sa Dios—mao ang gugma sa Dios diha ni Cristo nga nahimong gugma ni Cristo sulod nato, nga dili lang naghimo natong makahigugma kondili naghimo sab natong gugma pinaagi sa pagpaambit sa Tulo-usang Dios sa gugma—ang gugma sa Dios, ang gugma ni Cristo, ug ang gugma sa Espiritu—Rom. 8:39, 35; 15:30.
- H. Ang walay kataposang gugma sa Dios diha ni Cristo bandila man nga nitabon nato, nga nagpahayag ug nagpasundayag nga kitang mga gihigugma sa Dios labaw pa sa mga mananaog—8:37.
- I. “Ayaw kahadloki ang mga butang nga hapit na nimong antoson” (Bug. 2:10a), kay ning tanang butanga labi pa tang magmadaogon pinaagi Niya nga nahigugma nato—ang atong hinigugmang Ginoong Jesucristo, ang “Ginoong sa mga ginoo ug Hari sa mga hari” (17:14).